

6/2015 FORU DEKRETUA, martxoaren 10ekoa, Kirol Etxeko aretoak erabiltzeko eta bertako instalazioetako zerbitzuak jasotzeko prezio publikoak ezartzen dituen

(2015eko martxoaren 24ko 55 zk.ko BOG)

OHARRA

Testu hau dibulgaziozkoa da soilik, eta ez du inolako izaera ofizialik. Araua osoa eta eguneratua jasotzen da bertan.

1995eko martxoaren 21eko 30/1995 Foru Dekretuaren bidez, Anoetako estadioko behealdean dagoen Kirol Etxeko aretoen erabilpenagatik eta zerbitzuen emakidagatik ordaindu behar diren prezio publikoak ezarri ziren eta, halaber, foru xedapenak prezio publikoen zenbatekoa ezarri zuen.

Ondoren, aretoak erabiltzearen eta Kirol Etxeen zerbitzuak jasotzearen prezioak aldatu egin ziren honako dekretuen bidez: 1996ko apirilaren 16ko 38/1996 Foru Dekretua; 1997ko martxoaren 11ko 24/1997 Foru Dekretua; 2001eko apirilaren 10eko 33/2001 Foru Dekretua; eta, azkenik, 2005eko uztailaren 26ko 49/2005 Foru Dekretua.

Une honetan, Kirol Etxeko aretoak eta zerbitzuak zuzenean kudeatuko ditu Gipuzkoako Foru Aldundiko Kirol Zerbitzuak. Hori dela eta, egoera berria ikusirik, ezinbestekoa da beste foru dekretu bat onartzea, hartara administrazioari eta kobratzeari eragiten dieten hainbat alderdi arautzeko.

1990eko urtarrilaren 11ko 2/1990 Foru Arauak, Tasa eta Prezio Publikoenak, III. tituluan prezio horien erregimen juridiko orokorra arautzen du. Foru xedapen horretako 25.2 artikulua dioenez, gizarte, ongintza, kultura edo onura publikoko arrazoiengatik hala komeni denean, jarduerak egiteak edo zerbitzuak eskaintzeak sortutako kostu ekonomikoak estaltzeko ordaindu beharko lirakeenak baino prezio baxuagoak ezar daitezke, subentzionatutako prezio zatia estaltzeko aurrekontuko aurreikuspenak onartu ondoren, betiere.

Hori gertatzen da foru dekretu honek ezartzen dituen prezio publikoekin. Gizarte arrazoiak eta interes publikokoa daude, hartara zuzentzeko partaideei eskatzen zaien prezioen zenbatekoa jardueren kostuak estaltzeko baino baxuagoa izan dadin. Gipuzkoako kirol

federazioak dira Kirol Etxearen erabiltzaile nagusiak, irabazi asmorik gabeko erakundeak, beraz, zeinen gainean Gipuzkoako Foru Aldundiko Kultura, Gazteria eta Kirol Departamentuak tutoretza eta sostengu ekonomikoaren legezko betekizuna baitu. Hori dela eta, fotokopiak eta fax zerbitzuak emateko eskatzen diren prezio publikoek ez dute estaltzen prestazio horien kostuak, eta gainerakoa departamentu horren aurrekontuek estaltzen dute.

Horiek horrela, Kultura, Gazteria eta Kirol Departamentuko foru diputatuak egindako proposamenez eta Diputatuen Kontseiluak gaurko bileran eztabaidatu eta onartu ondoren,

XEDATU DUT

1. artikulua. Xedea.

Kirol Etxeko instalazioetako aretoen erabilpenagatik eta zerbitzuen emakidagatik ordaindu behar diren prezio publikoak arautzen dituen araudi erregulatzailerak onesten da.

2. artikulua. Ordaintzera behartuak.

Foru dekretu honetan erregulatutako prezio publikoak ordaintzera behartuta egongo dira aipatutako aretoak erabiltzen dituztenak eta emandako zerbitzuen onuradunak.

3. artikulua. Salbuespenak.

1. Gipuzkoako Foru Aldundiko Kultura, Gazteria eta Kirol Departamentua, foru dekretu honek erregulatzeko dituen prezio publikoak ordaintzetik salbuetsita dago.
1. Horrez gain, aretoen erabilpenagatik prezio publikoak ordaintzetik salbuetsita egongo dira kasu hauetan:
 - Aretoen erabilpena, Gipuzkoako Foru Aldundiko departamentuek bilerak, ikastaroak edo bestelakoak antolatzeke bada.
 - Aretoen erabilpena, Gipuzkoan egoitza duten Gipuzkoako kirol federazio eta klubetako organoek batzar edo bestelako ohiko bilerak eta euskal kirol federazioek ohiko batzar orokorra egiteko bada.

- Aretoen erabilpena, aurreko paragrafoan aipatutako Gipuzkoako kirol entitateek titulu ofizial bat lortzeko antolatzen dituzten berezko prestakuntza jardueretarako edo kuota edo inskripzio eskubiderik kobratzen ez direnetarako erabiltzen direnean.

Nolanahi ere, Kirol Etxeko areto edo beste guneen erabilpena ohiko ordutegitik kanpo egiten bada, entitate erabiltzaileak ordu edo frakzio bakoitzeko 36,37 euro ordaindu beharko ditu.

4. artikulua. Sortzapena.

Foru dekretu honetan erregulatutako prezio publikoak, ordainarazpena eragiten duten aretoen erabilpenerako edo zerbitzuen emakidarako eskaera egiten den unean bertan sortuko dira.

5. artikulua. Zenbatekoa.

a) Aretoen erabilpena:

Zenbatekoa erabili nahi den aretoaren eta denboraren arabera finkatuko da:

Aretoa	Edukiera	Egun ½ edo zatiko prezioa	Egun osoko prezioa
Atano III	90-100	109,09	181,81
Paulino Uzkudun	90-100	109,09	181,81
Atano III + Paulino Uzkudun	180-200	218,16	363,62
Benito Diaz	15-20	65,45	109,09
Juan Muguerza	15-20	65,45	109,09

Aita Manuel	30-35	87,26	145,44
-------------	-------	-------	--------

Prezio publiko horiek ondorengo hobariak izango dituzte:

- % 50, foru dekretu honen 3. artikulua 2. apartatua aurreikusi ez diren jarduerak egiteko erabiltzen direnean Gipuzkoan egoitza duten Gipuzkoako kirol federazio eta klubek nahiz euskal kirol federazioek antolatutakoak.

Areto horiek Kirol Etxearen ohiko ordutegitik kanpo erabiltzen badira, prezio horiez gain erabilitako ordu edo frakzio bakoitzeko 36,37 euro ordaindu beharko ditu erabiltzaileak.

b) Zerbitzuen erabilpena:

- Fotokopiagailua:
 - DIN-A4 formatoa 0,05 euro/unitatea
 - DIN-A3 formatoa 0,08 euro/unitatea
- Faxe:
 - lehenengo orria: 0,10 euro
 - bigarrenkoa eta hurrengoak: 0,05 euro

a) Kiroleko Zuzendaritza Nagusiak antolatutako prestakuntza jarduerak (Kirolarte):

- A motako ikastaroak, kanpoko irakasleek emandakoak eta kirol-eragile profesionalen zuzendutakoak: 29,10 euro, partaide eta eguneko.
- B motako ikastaroak, bertako irakasleek emandakoak eta kirol-eragile ez profesionalen zuzendutakoak: 14,55 euro, partaide eta eguneko.

Aurreko ataletan dauden kuantifikazio irizpideak aplikatu ondoren ateratako prezio publikoen gainean dagokion BEZa aplikatuko da.

6. artikulua. Administrazioa eta kobrantza.

Prezio publikoen administrazioa eta kobrantza, borondatezko epean, kirol gaietan eskumena duen departamentuak egingo du, eta, bide exekutibotik Ogasuna eta Finantza Departamentuak egingo du.

7. artikulua. Ordaintzeko moduak.

- a) Aretoen erabilpenak sortutako prezio publikoen kasuan, zenbatekoaren % 100 erreserba egiterakoan ordainduko da.
- b) Zerbitzuak emateagatik sortutako prezio publikoen kasuan, zenbateko osoa zerbitzuak eman ondoren ordainduko da.
- c) Kirolarteko prestakuntza ikastaroen kasuan, prezioa ordainduko da izena ematean.

8. artikulua. Itzulketa.

Ordaindutako prezio publikoak kasu hauetan itzuli beharko dira:

- a) Erreserbatutako aretoa azkenean erabiltzen ez denean, Gipuzkoako Foru Aldundiko Kirol Zerbitzuari gutxienez bost egun lehenago jakinarazten bazaio.
- b) Izena emana dagoen ikastaro batera joaten ez denean, behar bezala egiaztatuko arrazoia baldin badago, eta beti ere ikastaroa hasi baino hiru egun lehenago jakinarazten bada.

9. artikulua. Interpretazioa.

Foru dekretu hau interpretatzerakoan sor daitezkeen zalantzak Gipuzkoako Foru Aldundiko Kultura, Gazteria eta Kirol Departamentuak erabakiko ditu.

Xedapen indargabetzailea

Indarrik gabe geratzen da 2005eko uztailaren 26ko 49/05 Foru Dekretua, Kirol Etxeko aretoak erabiltzeko eta bertako instalazioetako zerbitzuak jasotzeko prezio publikoak ezartzen dituen.

Amaierako xedapenak

Lehenengoa.- Kultura, Gazteria eta Kirol Departamentuko foru diputatuari, foru dekretu hau garatu eta exekutatzeko beharrezkoak diren neurriak hartu eta xedapenak emateko behar den ahalmena ematen zaio.

Bigarrena.- Foru Dekretu hau Gipuzkoako Aldizkari Ofizialean argitaratzen den egun berean jarriko da indarrean.